



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ

**Služba Civilne zaštite, društvenih
djelatnosti, opće uprave i boračkih pitanja**
Odsjek za opću upravu, društvene djelatnosti i boračka pitanja

telefon: 035/668-656

Alije Izetbegovića 60-2 75246 Čelić

Broj: 06-37-2481-2/25

Čelić, 30.09.2025.godine

Na osnovu člana 15. Zakona o dopunskim pravima branilaca i članova njihovih porodica, drugi prečišćeni tekst ("Službene novine Tuzlanskog kantona", broj: 10/20, 14/22, 9/23, 5/24 i 13/24), člana 9. Pravilnika o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica u 2025.godini broj: 15/1-02-025246-25 od 01.09.2025.godine, Odsjek za opću upravu, društvene djelatnosti i boračka pitanja Službe Civilne zaštite društvenih djelatnosti, opće uprave i boračkih pitanja daje:

O B A V J E Š T E N J E

o uslovima, načinu, kriterijima i postupku za pružanje interventne pomoći u rješavanju stambenih potreba branilaca i članova njihovih porodica u stanju socijalne potrebe za 2025. godinu

OPĆI PODACI

Interventna pomoć je pomoć koja se može dodijeliti braniocima i članovima njihovih porodica kod kojih stambeni objekat u kojem žive **ne posjeduju minimalne stambene uslove** za stanovanje, odnosno ako nisu opremljene osnovne prostorije za život (soba, kuhinja, kupaonica i hodnik).

Član uže porodice je bračni partner, vanbračni partner, djeca rođena u braku i van braka, usvojena djeca i pastorčad.

LICA KOJA IMAJU PRAVO PODNIJETI ZAHTJEV

- demobilisani borci i mirnodopski vojni invalidi,
- članovi porodica šehida, poginulih, umrlih i nestalih branilaca, ratnih vojnih invalida, dobitnika ratnih vojnih priznanja i odlikovanja,
- dijete šehida-poginulog, umrlog i nestalog branioca, dijete umrlog RVI, umrlog dobitnika ratnog priznanja i odlikovanja i umrlog demobilisanog branioca pod uslovom da je nezaposlen, da se ne nalazi na redovnom školovanju i da nije navršilo 25 godina života,
- supruga umrlog ratnog vojnog invalida, supruga umrlog dobitnika ratnog priznanja i odlikovanja i supruga umrlog demobilisanog branioca.

USLOVI ZA OSTVARIVANJE PRAVA

- stalno mjesto prebivališta na području Kantona
- rješava stambene potrebe na području Kantona,
- ostvaruje pravo iz oblasti branilačko invalidske zaštite na području kantona
- da se radi o stambenom objektu koji ne posjeduju minimalne stambene uslove za stanovanje
- da posjeduju svu traženu dokumentaciju

Uslovi za ostvarivanje prava na interventnu pomoć moraju biti kumulativno ispunjeni.

OGRANIČENJE PRAVA NA INTERVENTNU POMOĆ:

Pravo na interventnu pomoć nema:

- Lice čiji ukupni mjesečni prihodi po članu uže porodice prelaze 40% prosječne neto plaće ostvarene u prethodnoj godini na području Federacije BiH, prema podacima Zavoda za statistiku u Federaciji BiH, izuzev lica (podnosilac zahtjeva/supružnik/djeca) koje ostvaruje pravo na minimalnu PIO penziju;
- Lice koje je vlasnik ili posjednik kuće, porodične stambene zgrade ili stana koji je otkupljen po osnovu Zakona o prodaji stanova na kojima postoji stanarsko pravo ili takav stan, odnosno porodičnu stambenu zgradu koji zadovoljavaju stambene potrebe posjeduje njegov član uže porodice;
- Lice koje je koristili stan ili kuću u svojini, koji su odgovarali potrebama stanovanja, a svojevrijem su izgubili stanarsko pravo, odnosno svojinu na kući, teretnim ili dobrovoljnim pravnim poslom (sa ili bez naknade) ili su ih bilo kojim drugim pravnim poslom otuđili (računajući i stambene objekte iz mjesta življenja prije rata) u periodu od 30.04.1991.godine do momenta podnošenja zahtjeva, u namjeri da steknu uslove za korištenje sredstava po Pravilniku o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica u 2025.godini broj: 15/1-02-025246-25 od 01.09.2025.godine;
- Lice koje imaju vlasništvo jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju svojoj porodici;
- Lice koje traži sredstva za radove koji se smatraju redovnim investicionim održavanjem objekta.

Pod redovnim investicionim održavanjem objekta podrazumijeva se zamjena stolarije, podova, sanitarnih elemenata, oluka elektro i vodovodnih instalacija u objektu.

POTREBNA DOKUMENTACIJA

Isprave kojima se dokazuje da lice ispunjava kriterije za dodjelu interventne pomoći su:

1. Zahtjev za interventnu pomoć (Aneks I);
2. Kućna lista podnosioca zahtjeva sa originalnim ili ovjerenim kopijama prijave stalnog prebivališta za sve članove uže porodice, a za samca uz kućnu listu dostaviti kumulativno:
 - Izvod iz matične knjige rođenih i
 - Izjavu o postojanju/nepostojanju vanbračne zajednice;
3. Dokaz o pripadnosti boračkoj populaciji:
 - Uvjerenje Službe o priznavanju svojstva člana šehidske porodice/obitelj poginulog branioca ili
 - Uvjerenje Službe o priznavanju svojstva ratnog vojnog invalida ili
 - Uvjerenje Službe da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova ili
 - Uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova
4. Dokaz o ukupnim primanjima lica kao i članova uže porodice navedenih u kućnoj listi (uvjerenje poslodavca o visini posljednje plaće; ček od PIO penzije; za lica koja imaju registrovanu samostalnu djelatnost obrazac iz poreske ispostave JS3650; uvjerenje poreske uprave o postojanju dodatnih prihoda za lice i punoljetne članove uže porodice);
5. Uvjerenje JU Službe za zapošljavanje za sve nezaposlene članove uže porodice, a ukoliko se isti ne vode na evidenciji, uvjerenje iz Ispostave porezne uprave za sve nezaposlene članove uže porodice kao dokaz o statusu nezaposlenosti;
6. Uvjerenje o redovnom školovanju djece iz obrazovnih ustanova;
7. Dokaz da je održana ostavinska rasprava iza poginulog, umrlog ili nestalog branioca;
8. Izjava ovjerenjena u nadležnoj općinskoj službi ili kod notara da lice i svi članovi uže porodice nisu vlasnici niti suvlasnici drugih nekretnina (kuća/stan) na području Bosne i Hercegovine, izuzev one za koju je podnesen zahtjev za interventnu pomoć; (Aneks III);
9. Uvjerenja o posjedovanju/neposjedovanju kuće za punoljetne članove uže porodice;
10. Foto snimci kompletnog objekta kao i dijela koji je neuslovan za stanovanje.

Lice je dužno dostaviti isprave kojima dokazuje ispunjavanje uslova u originalu ili ovjerenoj fotokopiji ne starijima od šest mjeseci.

Zahtjev za dodjelu interventne pomoći koji se može preuzeti u Šalter Sali Općine sa potrebnom dokumentacijom može se predati lično ili dostaviti preporučenom poštom, na adresu:

Općina Čelić, ul. Alije Izetbegovića 60-2, 75246 Čelić, sa naznakom

„Prijava za dodjelu interventne pomoći u rješavanju stambenih potreba branilaca i članova njihovih porodica u stanju socijalne potrebe za 2025. godinu “

- NE OTVARATI-

PRIJAVE SE MOGU PODNOSITI TOKOM CIJELE GODINE, A KOMISIJA ĆE PROVODITI POJEDINAČNE POSTUPKE DO UTROŠKA DODIJELJENIH SREDSTAVA. UKUPNA SREDSTVA ODOBRENA OPĆINI SU U IZNOSU OD 20.000,00 KM. NAJNIŽI IZNOS SREDSTAVA KOJI MOŽE BITI ISPLAĆEN ZA RJEŠAVANJE STAMBENIH POTREBA JE 1.000,00 KM.

Interventna pomoć usljed prirodnih elementarnih nepogoda

Interventna pomoć se može dodijeliti naprijed navedenim licima u situaciji kada je objekat u kojem živi postao neuslovan za stanovanje usljed iznenadnih prirodnih elementarnih nepogoda koje su nastale višom silom (poplava, klizište, zemljotres, požar i sl.).

Uslovi za ostarijanje navedenog prava su isti kao i za naprijed navedeno pružanje interventne pomoći.

Isprave kojima se dokazuje da lice ispunjava kriterije za dodjelu interventne pomoći usljed prirodnih elementarnih nepogoda su:

1. Zahtjev za interventnu pomoć usljed iznenadnih prirodnih elementarnih nepogoda (Aneks II);
2. Dokaz o pripadnosti boračkoj populaciji:
 - Uvjerenje Službe o priznavanju svojstva člana šehidske porodice/obitelj poginulog branioca ili
 - Uvjerenje Službe o priznavanju svojstva ratnog vojnog invalida ili
 - Uvjerenje Službe da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova ili
 - Uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova;
3. Izjava ovjerena u nadležnoj općinskoj službi ili kod notara da lice i svi članovi uže porodice nisu vlasnici niti suvlasnici drugih nekretnina (kuća/stan) na području Bosne i Hercegovine, izuzev one za koju je podnesen zahtjev za interventnu pomoć; (Aneks III);
4. Zapisnik nadležne Općinske službe ili nadležne policijske uprave o evidenciji nepogode (poplava, klizište, zemljotres, požar i sl.);
5. Foto snimci kompletnog objekta kao i dijela koji je neuslovan za stanovanje;
6. Dokaz o vlasništvu odnosno drugi dokazi da je lice vlasnik ili vanknjižni vlasnik stambenog objekta (ZK izvadak ili građevinska dozvola; posjedovni list ili drugi dokaz o vanknjižnom vlasništvu, neprovedeno rješenje o ostavinskom postupku ili drugi dokazi iz kojih se može utvrditi vlasništvo/vanknjižno vlasništvo)

Lice je dužno dostaviti isprave kojima dokazuje ispunjavanje uslova u originalu ili ovjerenoj fotokopiji ne starijima od šest mjeseci.

NAPOMENA:

U Odsjeku za opću upravu, društvene djelatnosti i boračka pitanja možete dobiti informacije o podnošenju zahtjeva za pružanje interventne pomoći usljed iznenadnih prirodnih elementarnih nepogoda koji zahtjev se, putem ovog organa, dostavlja Drugostepenoj Komisiji pri Ministarstvu za boračka pitanja TK.

Šef Odsjeka

Alma Čeliković

